



PRESIDÊNCIA DO CONSELHO DE MINISTROS

V GOVERNO CONSTITUCIONAL

DÍLI, 19 DE MARÇO DE 2013

KOMUNIKADU IMPRENSA

Sorumutu Konsellu Ministru Ioron 19 fulan Marsu tinan 2013

Governu Konstitusionál V hala'o sorumutu iha Tersa-feira ida ne'e, loron 19 fulan Marsu tinan 2013, iha sala sorumutu Konsellu Ministru nian, iha Palásiu Governu Dili no aprova ona:

1. Dekretu-Lei ne'ebé aprova Orgánika Ministériu Edukasaun nian

Tuir artigu 26.^o Dekretu-Lei n.^o 41/2012 nian, loron 7 fulan Setembru, ne'ebé aprova estrutura orgánika Governu Konstitusionál V, Ministériu Edukasaun nu'udar órgaun responsável ba konsesaun, ezekusaun, koordenasaun no avaliasaun polítika, ne'ebé Konsellu Ministru define no aprova ona ba área Edukasaun nian hodi fo kompeténsia ba nia atu hala'o funsaun sira ne'ebé fó ba nia hosi diploma ne'e.

Sistema organizasaun foun nian ne'e kontinua de'it ba dezafiu sira ne'ebé Governu Konstitusionál IV fó sai ona kona-ba polítika edukasaun nian, hodi nune'e Ministériu Edukasaun mak kontinua investe iha estrutura funksionál no dinámika ida, ne'ebé efikás tebes iha ninia ne'ebé bele abranje diak liu ba teritoriu tomak no define diak liután ba ninia servisu sira ne'ebé sentrá, deskonsentradu no desentralizadu sira.

Harí tiha ona Diresaun-Jerál haat hodi halibur ida-idak nia Diresaun Nasionál. Diresaun Rejionál sira lakon tiha, hodi mantein Diresaun Distritál sira hanesan Unidade Ezekusaun no operacionalidade ba medida edukativa nian sira.

2. Dekretu-Lei ne'ebé aprova Orgánika Ministériu Administrasaun Estatál nian

Dekretu-Lei n.^o 41/2012, loron 7 fulan Setembru, ne'ebé prosede aprovasaun ba Orgánika Governu Konstitusionál V, prevee ezisténsia Ministériu Administrasaun Estatál nian, "hanesan órgaun



Palácio do Governo,
Avenida Presidente Nicolau Lobato,
Dili, Timor-Leste

nddigovtl.09@gmail.com
(+670) 22 210 608

responsável ba konsesaun, ezekusaun, koordinasaun no avaliasaun polítika ne'ebé Konsellu Ministru define no aprova ona, ba área sira podér lokál nian, descentralizasaun administrativa, dezvoltimentu lokál no rurál, organizasaun no ezekusaun prosesu eleitorál no referendu nian sira, no prezervasaun ba dokumentu ofisiál sira”.

Ministru Administrasaun Estatál, nu'udar órgaun superiór Ministériu Administrasaun Estatál nian, hetan ajuda bainhira hala'o ninia funsaun sira hanesan Sekretáriu Estadu Desentralizasaun Administrativa no Sekretáriu Estadu Dezenvolvimentu Lokál, ne'ebé sira simu kompeténsia lubuk ida, no kompeténsia hirak ne'e sira hala'o no artikula tuir estrutura Ministériu Administrasaun Estatál nian liuhosi diploma ne'e.

3. Dekretu-Lei ne'ebé aprova Orgánika Ministériu Turizmu nian.

Diploma ne'e estabeselese Orgánika Ministériu Turizmu nian, hodi kumpre Dekretu-Lei n.º 41/2012, lora 7 fulan Setembru, ne'ebé aprova Orgánika Governu Konstitusionál V no Programa Governu Konstitusionál V Repúblika Demokrátika Timor-Leste nian.

Orgánika Ministériu Turizmu nian ne'e atualiza ninia estrutura servisu sira, hodi fó kompeténsia hirak nesesáriu hodi bele hala'o ba oin polítika Governu nian sira ba área hirak ne'e, tuir Programa.

4. Dekretu-Lei ne'ebé aprova Orgánika Ministériu Transporte no Komunikaun nian

Ministériu Transporte no Komunikaun, tuir Dekretu-Lei n.º 41/2012, lora 7 fulan Setembru ne'ebé aprova orgánika Governu Konstitusionál V, mak órgaun responsável ba konsesaun, ezekusaun, koordinasaun no avaliasaun polítika, ne'ebé defini no aprova ona iha Konsellu Ministru, ba área transporte terrestre, marítima no aéreu ne'ebé ho karákteer sivil no servisu hirak atu tulun nian, hosi komunikaun nian, inklui servisu postal, telegráfiku, telefóniku no telekomunikaun sira seluk, hosi servisu meteorolójiku no hosi informátiku nian.

Planu Estratéjiku Dezenvolvimentu (PED) prevee, hanesan objetivu boot ba nível transporte no komunikaun nian, mak dezvoltimentu portu rejionál sira, halo luan tan Aeroportu Nasionál, hadi'a fali pista sira aviaun atu tun iha distritu sira no loke merkadu telekomunikaun nian sira ba operadór barak liután.

Modelu organizasaun nian ne'ebé propoin ona, bazeia ba servisu sentrál sira no organizmu ne'ebé hetan autonomia administrativa no finanseira nian, buka atu hetan jestaun ida di'ak no eficiente liu hosi rekursu públiku sira hodi serbi ba populusaun.

5. Mekanizmu Ezekusaun Orsamentu Jerál Estadu nian ba tinan 2013

Konsellu Ministru aprova ona mekanizmu sira ba ezekusaun OJE tinan 2013 nian, ne'ebé apresenta husi Ministériu Finansa, hafoin aprova tiha Lei n.º 2/2012, lora 1 fulan Marsu, kona-ba Orsamentu Jerál Estadu (OJE) ba tinan finanseiru 2013 nian, liuliu: prosedimentu jerál; prosedimentu sira kona-ba



ezekusaun tuir kategoria ida-idak; Fundu Maneiu no adiantamentu sira; reseita pública sira; no kalendáriu kona-ba hala'o orsamentu tinan 2013 nian no preparasaun OJE tinan 2014 nian.

Konsellu Ministru, mós, analiza ona:

1. Apresentasaun kona-ba Operasionalizasaun Planu Estratéjiku Dezenvolvimentu nian

Durante tinan lima tuirmai, no tanba hakarak atu operacionaliza, halo jestaun no atu koordena Planu Estratéjiku Dezenvolvimentu (PED) no Program Governu Konstitusionál V nian, mak presija atu estabelese Mekanizmu ba Koordenasaun Polítika Dezenvolvimentu (MCPD) foun.

Bazeia ba lisaun hirak ne'ebé aprende tiha ona liu hosi Programa kona-ba Prioridade Nasionál sira (ne'ebé Governu Konstitusionál IV hahú ona iha tinan 2008), mak Timor-Leste tenki harii no lidera ona MCPD, konta hela ona ho partisipasaun ida másimu no tenkesér konsistente ho sistema planeamentu no orsamentasaun Governu nian.

2. Apresentasaun ba apresiasaun Dahuluk kona-ba Polítika Desentralizasaun Administrativa no Podér Lokál nian

Tuir artigu n.^u 1 artigu 5.^u no n.^u 1 artigu 72 Konstituisaun Repúblika nian, ne'ebé mak prevee desentralizasaun administrasaun pública no ezisténsia podér lokál nian, nune'e mós iha lei n.^o 11/2009, lora 7 fulan Outubru, ne'ebé maka prevee territóriu RDTL fahe ba munisípiu 13, no hetan autonomia administrativa no finanseira no hetan órgaun hirak representativu no eleitu, mak Ministru Administrasaun Estatál apresenta ona ba Konsellu Ministru esbosu dahuluk kona-ba Polítika Desentralizasaun Administrativa no Podér Lokál nian.

